

B. Europaráde ministarsiebreráde oajvvadásá Svieriga Biejadásá anoduvvama gáktuj

Ministarsiebreráde oajvvadás RecChL(2011)3 Europaráde biejadásá rijkadajva- jali unneplågogiela birra Svierigin anoduvvama gáktuj

(Ministarsiebreráde dâhkkidij gâlgâdismáno 12.b. 2011 1123 tjâhkanimen ambassaderaj)

16 artihkkala milta Europaráde biejadásán rijkadajva-jali unneplågogiela birra: vieledam Svieriga deklarásjâvnâv guovvamáno 9.b. 2000; árvvâladdam Ássjedâbdesiebreráde Biejadásá árvustallamav Biejadásá anoduvvama gáktuj Svierigin; vieleda dát árvustallama la vuododum diededibmâj Svierigis gaskustuvádum sijá rijkalâsj diedádusán, duoddididdje diededibme svieriga fábmudagâjs, diededibme vattedum dâhkkidum orgánâjs ja lihtojs Svierigin, ja diededibme Ássjedâbdesiebrerádes viettjadum sijá manâdimen; árvvâladdam javllamusâjt svieriga fábmudagâjs sisano gáktuj Ássjedâbdesiebreráde diedádusán; Ministarsiebreráde oajvvat svieriga fábmudagâjt tjuovvot Ássjedâbdesiebreráde gâjkkâ gehtjadimijt ja oajvvadásâjt ja dâhkkidi vuorodibmen:

1. nannit âhpadusâv gâjkkâ rijkadajva-jali unneplågogielajn, praktijkalattjat anodit âlles ja hábbmidum dahkotjerdav, vuododum sâhkadiddjij dârbuj ja gielaj vidjura milta;
2. vissevuodav oadtjot âhpadus "iednegielan" dievdeduvvá Njuolgadásá rávkalvissaj ja fállá duolla ja avtaârvulasj giellaâhpadusâv, vaj oahppe jávsâdi âlles lâhkâm- ja tjâllemâhttudahkaj guosske gielajn;
3. lasedit guovtegielak âhpadusâ ednakvuodav suomagielan ja sâmegielan, ja vuododit guovtegielak âhpadusâv meângielan;

4. vuododit vuogas âhpadiddjeâhpadusâv nuoges luohkoj gâjkkâ rijkadajva- jali unneplågogielajda;
5. dahkat oahppamnâvojt gâjkkâ rijkadajva- jali unneplågogielajda.